



AKER WËLL KRAIDER

Fir de seelenen Aarten eng Méiglechkeet ze ginn, nei Populatiounen opzebauen an domadder nees eng aarteräich a standuertgerecht Akerwëllkrautgemeinschaft hierzustellen, kënnen Feldflorareservater ugeluecht ginn. Dofir gëtt de Som vun de klengen seelenen Akerwëllkraider aus heemescher Originne ausgeséint. Och dës Fläche ginn doropshin extensiv bewirtschaft.

Wichtig sinn och d'Akerrandsträifen, wou just d'Parzelle-Randberäicher extensiv bewirtschaft ginn. Och hei gëtt op den Asaz vu Pflanzeschuttmittelen, mechanesch Onkrautbekämpfung an Ënnersaat verzicht. D'Randsträife mussen tëscht 3 an 20 Meter breit sinn a kënnen während der Vertragsdauer entweder op deem selwechte Standuert oder op järelech wiesselende Flächen ëmgesat ginn, woubäi déi éischt Méiglechkeet fir d'Akerwëllkraider ze empfeelen ass.

Wann Dir interesséiert sidd un engem Biodiversitéits-Programm um Aker deelzehuelen oder lech einfach weider Informatiounen wënscht, mellt Iech gär beim SICONA:

Fanny Schaul

fanny.schaul@sicon.lu
26 30 36-37

Linda Tagliero

linda.tagliero@sicon.lu
26 30 36-74

Michel Diederich

michel.diederich@sicon.lu
26 30 36-46



SICONA

Naturschutzsyndikat

Impressum:
Text: V. Laschet & S. Schneider
Fotos: SICONA & S. Schneider
Layout: K. Scholtes
© 2022

WIERKLECH SOU SCHLËMM

WËI HIRE RUFF?



Eng wëll Bei op der Kaarblumm



AKERWÉLLKRAIDER

WAT SINN AKERWÉLLKRAIDER

EIGENTLECH?

Bei den Akerwéllkraider handelt et sech ëm (meeschtens eejäreg) Planzen, déi un den Akerbau, also déi reegelméisseg Buedem-beaarbechtung, d'Entwécklung a Recolte vun der Kultur, ugepasst sinn an dës Bewirtschaftung souguer brauche fir ze iwwerliewen.

Se hunn en éischer schlechte Ruff, well dës „Onkraider“ (meeschtens) ongewollt an ouni Awierke vum Mënsch tëschent de Kulturplanzen optauche kënnen. Wat vill Leit awer net wëssen: Déi kleng Akerwéllkraider sinn extrem konkurrenzschaach a beaflossen den Ertrag vun den Notzplanze kaum.

DE RÉCKGANG VUN DEN AKERWÉLLKRAIDER

Duerch de Strukturwandel zanter den 1960er Jore sinn d'Akerwéllkraider staark zeréckgaangen a sinn och ëmmer nach um zeréckgoen. Virun allem duerch d'Benotze vun Herbiziden, buedemverbesserend Moossnamen wéi Düngung oder Kalkung awer och d'Veerännerung vum Ubau, d'Vereenheetlechung vun den Akerflächen an d'Saatgutreinigung si Grënn fir hire Réckgang.

Sou kënnt et, datt haut vill Akerwéllkraider a Gefor sinn oder souguer vum Ausstierwe bedrot sinn. Vun deene ronn 200 typeschen Aarten, déi zu Lëtzebuerg virkommen, steet d'Halschent op der Rouders Lëscht an 20 % si schonn ausgestuerwen.

D'Rued (Kornrade) ass leider zu Lëtzebuerg schonn ausgestuerwen.



SEELEN AARTEN



Gewöhnliche Feldritterspue –
Aker-Ritterspurn



Venus-Fraenspiel – Venus-Fraenspiel



Dräibliedereg Eierepräis –
Dreiteiliger Ehrenpreis



Aker-Léiwemäulchen –
Aker-Löwenmäulchen



Aker-Kouweess – Aker-Wachtelweizen



Nuets-Compagnon – Aker-Lichtnelke



Rounbliedereg Léiwemäulchen –
Eiblätriges Tännelkraut



Sand-Feierblumm – Sand-Mohn



Klünzege Mausschwanz – Kleiner Mäuseschwanz

FIRWAT SOLLTE MIR

SE SCHÜTZEN?

Niewent dem Grond, d'Akerwéllkraider wéint hirem eegene Wäert – also aus ethesche Grënn – ze schützen, fir d'Aartevefalt ze erhalen an dem Ausstierwe vun hinnen entgéint ze wirken, erfüllen se eng wichteg Roll fir aner Liewewiesen. Sou bidden se Narung fir Déieren, z. B. fir somfressend Vullen a bléibestäubend Insekten. Och deenen hir Zuel a Verbreedung ass staark um zeréckgoen: De Réckgang vun de Bestäuber ass dramatesch. Virun allem op Akerwéllkraider spezialiséiert Insekten, wéi bestëmmte wéll Beien, leiden ënnert dem Nahrungsmangel.

WÉI KANN EE SE SCHÜTZEN?

Et ginn eng Rei Méiglechkeeten dem Réckgang vun de raren Akerwéllkraider entgéint ze wirken. D'Bauere kënnen zum Beispill u prämiébaséierte Vertragsnaturschutzprogrammer vum Lëtzebuerger Staat deelhuelen – de Biodiversitéits-Programmer. Besonnesch gëeegent si **Schutzakeren**, **Feldflorareservater** an **Akerrandsträifen**.

Schutzakeren erméiglechen d'Virkomme vu seelene Aarten ze erhalen an ze fërderen. Hei kommen also nach rar Akerwéllkraider vir. D'Parzelle ginn extensiv bewirtschaft. Op den Asaz vu Planzenschuttmittelen, mechanesch Onkrautbekämpfung an Ënnersaat gëtt verzicht. Och en e bësse méi groussen Ofstand tëschent de Reien hëlleft de klengen Aarten fir ze iwwerliewen.

